

**Siunnersuut uunga: Naalackersuinikkut sulinermut aningaasatigut tapiissuteqartarnej pillugu Inatsisartut inatsisaata allanngortinneqarneranik Inatsisartut inatsisaat nr. XX, XX. XXX 2017-imeersoq 2017**  
(Inatsisartut Siulittaasoqarfiat)

**Akissuteqaat**

(Naalackersuisut Siulittaasuut)

**Siullermeerinnineq**

Naalackersuisut maluginiarpaat, partiit, kattusseqatigiit aamma attaviitsut Inatsisartuni sulinerannut Namminersorlutik Oqartussat tapiissutaasa, kingumoortumik taamatullu siumoortumik, atuisartunut akit tunngavigalugit iluarsineqarnissaasa kissaatigineqarnera aallaavigalugu, inatsisissatut siunnersuut saqqummiunneqartoq.

Tapiissutit 2006-imi kingullermik tapiissutit allanngortinneqarneranniilli 30 %-t missaannik iluarsisarnermut akigititat ineriartorsimanerannut naapertuuttumik aningaasartalerlugit, 1. januar 2018 aallarnerfigalugu qaffanneqarnissaat kissaatigineqarpoq. Tamatuma saniatigut siunnersuutigineqarpoq tapiissutit Kalaallit Nunaanni iluarsisarnermut akigititat malillugit ukiumoortumik ingerlaavartumik iluarsineqartassasut, siullermeertumik 2019-imi

Inatsisissatut siunnersuummi nassuiaatini allassimavoq, siunnersuutip malitsigisaanik nunap karsiani aningaasartuutaanerusussat tamarmiusut, maannakkut Inatsisartuni partiit ilaasortaataat attaviitsullu katitigaaneranni, 2018-imi 2.815.000 koruuninut missiliorneqartut.

Naalackersuinikkut sulinermut tapiissutinut maleruagassat Inatsisartunit toqqaannartumik aalajangersarneqartarmata, Naalackersuisut inatsisissatut siunnersuummut saqqummiunneqartumut allanik oqaaseqaatissaqanngillat.